



熊耳文集

才

和6  
1374  
1

早稻田大學附屬  
圖書館

第一寄

漢詩文

第 423 號

第 1 卷

此書館不外許帶出



和16  
1974  
卷1-5

熊耳先生文集序

維安永丙申之四月熊耳餘先生以疾終于寢  
壽八十云蓋宏才碩學加以考終命也著述之  
撰甚富其文若詩前後所錄不下千餘篇雖中  
間遭散軼或燬于災今尚歸然存乎遺篋中者  
數十百篇矣家督孟玉與其高第弟子滕子虎  
石子彭盛子蘭之徒相俱校讐之其梓將成焉  
孟玉乃欲使子虎等作序皆相讓不肯諾因謁



駁一言駁亦以讓子虎輩益相讓不肯諾顧駁也師事先生殆三十年善誘博喻無所不至而吾之拙劣竟不能入其室至老無所成則所爲先生叙斯集也者安能文然師受之久親踰骨肉則所不爲先生叙斯集也者夫安能忍先生負也乃爲之序曰昔者物子始唱古文辭乎元寶之際蓋於文取法於李滄溟氏其於樂府古今詩徵諸漢魏及開天嘉隆之盛其所薰陶宏

器輩出各以文名相尚當此時先生生奧南弱冠徙東都乃因秋子帥一逮物子之門而未及執弟子禮既而去游京畿上名山探石室遂歷山陽浮於赤馬西窮九州講業瓊浦之都竊闚華夏之風教久之開洋玄澗超紫海航攝南而留滯浪華以歸游歷之久物子墓木已拱矣不復得與其社盟故學無常師而其業大成最名能文辭以傾都人士矣自護社之媿古文辭不

乏而其克肖滄溟氏母嫺於先生者蓋其學之  
精覈日就月將自然有得而取之左右逢其源  
此殆出其天性不待先覺薰陶遂至於其文名  
漸盛以傾海內蔚爲一代文宗可謂與夫左氏  
司馬及李王輩百世而比肩以至者也而於其  
詩也亦接武於漢魏嗣響於唐明宛乎中土之  
音也而先生專銳思文辭其土苴以發聲詩故  
人亦眩文名之盛乃輕視其詩而土苴之然或


至其所極意則沈浸醲郁含英咀華苟微積學  
之力斯焉取斯世之好言詩者固所懼然而辟  
易也矣是以譏社高第如南郭服子輩徃徃與  
先生相周旋皆莫不稱隱若一敵國者也而先  
生爲人謙冲不敢以其所長驕人自視若未嘗  
有得焉者亦殆出其天性非假矯飾者故人逾  
鑽仰久而敬之君子人也今讀斯集即其恭儉  
莊敬之則溫柔敦厚之旨煥乎盈簡足以想見

其爲人也但其文時或有浩瀚汪洋殫變過巧者有錯綜勾棘不易容喙者詩亦有竒僻且險者有憤焉自放者是以不知者或謂幾乎覆醬者間亦有焉然是心術之微精神之所至則吾儕不肯得贊一辭其篇章一從稿本刻成以公于世蓋翹吾得意之跡以俟其人乎無窮之世也何必親傳之通邑大都以禦謗議於下流邪亦姑持昔人三駟之說以次馳天下之藝圃必


有一不勝而再勝耳裝言之不文而不忍先生負謹叙斯集所以大成不復讓二三子者獨是已不敢阿其所好以爲之解先生有靈其領之地下哉先生其先出自百濟王故姓餘氏諱承裕字子綽熊耳爲號嘗以其文學仕唐津侯配山本氏不得可爲後者乃養遠山氏之子爲嗣即孟玉也凡吾黨爲碩儒者壽且有克子或鮮矣如先生也天假之大年得竟其遐志而匪獨

成已又能使孟玉繼其志今已有聲乎以文辭  
傳家學矣雖固賴天之寵靈亦可以觀善教之  
所致也盛矣哉  
天明辛丑則陽之吉

門人南豐滕敷撰



臣列維翕謹書



熊耳先生文集正編目錄

卷之一

擬古樂府十三首

五言古詩三首

卷之二

五言律詩八十九首

五言排律五首

卷之三

七言律詩八十八首

目錄

卷之四

五言絕句二十七首

七言絕句百五首

卷之五

序八首

卷之六

序八首

卷之七

序九首

卷之八

雜記九首

卷之九

墓誌九首

卷之十

墓誌十首

卷之十一

祭文三首

雜文七首

卷之十二

雜文三十四首

卷之十三

雜文四首

書牘十二首

卷之十四

書牘十六首

卷之十五

書牘二十首

卷之十六

書牘二十二首

熊耳先生文集正編目錄

熊耳先生文集正編卷之一

唐津文學餘承裕子綽著

男 衡孟玉 輯

東都外盛父芳子蘭同校

東都外盛父芳子蘭同校

東都外盛父芳子蘭同校

擬古樂府

長歌行三首

青青澗底松鬱鬱榮  
玄冬玄冬下殺氣萬物落  
華容

獨在霜雪裡後凋枝葉濃  
歎息日月競逼迫不相容



少壯無所操，老大欲何從。

仙人自何處，短髮垂雙耳。導我入蓬萊，相將采瓊藥。

奉以一丸藥，服之長不死。忽覺身體輕，豈論顏色美。

願我持此藥，浮游四海裡。

雲間出明星，歷歷掛城頭。耿耿夜不寐，游子憶故丘。

大矢北門棘，南風吹我心。柔生我者，父母劬勞不可酬。

鴻雁塞上來，嗷嗷鳴不休。引頸望天涯，淚下縱橫流。

短歌行

去日如馳，人生何為。往者難諫，來者可追。置酒設肴，

當以逢迎。述懷解悶，唯有友生。勞役宦途，日拙如愚。

但為君故，得少須臾。皎皎白駒，食我場藿。熱之維之，

以永今夕。瞻彼西山，有鳥銜枝。滔滔海水，奈何可支。

騅也不行，驥也伏櫪。功名富貴，我將何覓。天高地廣，

徒自跼蹐。茫茫宇宙，不如逃跡。慮不厭遠，計不厭早。

惟此末命，庶可以保。

君子行

君子慎周旋，不唯防未然。達而不陵，人窮而不咎。天

不緇如涅，白不磷如磨。堅言行重，樞機道德慕。聖賢

維顏氏之子，好學怒不遷。今也雖乃亾，我庶為執鞭。

猛虎行

寧從伯夷饑不從盜跖飽盜跖豈無粟游子何標狡  
 疾風吹高原勁艸吹不撓人生有所尚寧為富貴抑  
 惚恠歲將暮逼迫心如攪耿耿夜不寐起視參與昂  
 猛虎栖深山穴居養其爪長嘯慎出入懼行逢機巧  
 機巧信可懼肉盡還相齧千古說交道只有管與鮑

俠客行

有客何處來豪具裝金銀中坐意氣揚刀環何鱗鱗  
 杯酒指白日慷慨命儔倫赴急從千里報讐殺幾人  
 云是燕趙來薄言遊西秦五陵俠少年避盧畫逸巡  
 席上賓客滿門前起車塵借問結交場獨向何人親  
 我將有所言有憚不敢陳只恐重然諾不肯謾假身

苦寒行六解

北度胡貊地濶哉何芒芒胡貊地濶哉何芒芒長城  
 一萬里心魂為之驚 第一解

大漠何蕭條北風厲且寒何蕭條北風厲且寒蓬根  
 斷無跡鬮髀積如山 第二解

平沙少行人雪飛何霏霏少行人雪飛何霏霏回望  
 四遠黯離懷多所傷 第三解

我懷何壹鬱欲一東歸鄉何壹鬱欲一東歸鄉梁絕  
 河凍合欲度徒彷徨 第四解

彷徨將何之 暝宿穹廬前 將何之 暝宿穹廬前 飢來  
何所食 唯有雪與糲 第五解

杖節起欲行 旄摧不可拄 起欲行 旄摧不可拄 悲彼  
漢家使 年年不堪苦 第六解

公無渡河

公請無渡河 欲渡何所苦 河水廣且深 一壺不可沽  
止之不肯止 公竟往渡河 公竟往渡河 我當奈之何  
歸來援篋篋 一曲動九秋 哀音一何切 終曲亦自投  
嗚呼生世如此有 不諧擇配獨為狂 夫妻狂夫無故  
自奔走 不問南北與東西 唯恐旦夕趨 水火出出入  
入 非不諧 究竟不及手 援力可憐 一旦至此 極嗚呼  
世人犯險殉榮利 奔走寧辜狂夫比 更憐今日貪夫  
妻與狂夫妻 亦何異

巫山高

巫山十二峯 參差天外聳 高鳥飛不到 峽猿叫 秋冬  
襄王千古夢 此與神女逢 惟見雲雨色 何知夢中容

東武吟行

寄跡天壤間 一世何悠悠 抗志凌青雲 洗身出濁流  
連從伊呂旋 窮伴夷齊遊

采菱

可憐江中菱泛漾江中依的的花焰水累累實亦肥  
 采花可擬鏡采實可瘳飢良人在天外十年未歸  
 苦此別離人兼乏食與衣采之臨江水顏色落光輝  
 豈無他人室有行希不違薄言將此物聊持我命微  
 秋風生庭樹明月入空闈何時得並坐為君調瑤徽

薤上露

薤上露胡易消暫時不留大陽下嗟乎人生不崇朝

五言古

傷逝

秋風萬里生高樹動早涼逝川去不已白駒何忽皇

自我違斯人忽已一星霜隴上生宿州庭際餘幽篁  
 山月窺虛窓寂寞琴書牀唯有雙棲燕依舊倚空堂  
 重來非宿昔歎去聊彷徨彷徨且何為承歡憶平常  
 殷勤過親戚惠愛寧能忘德音猶在耳夢寐見容光  
 如何造物者不憖遺我良我今欲何之欲度河無梁  
 百身不可贖徒爾切悼止持此欲訴天天長徒茫茫  
 維南有織女曾不成報章維北斗揭柄又不挹酒漿  
 唯有草頭露湛湛待朝陽人生誰不然對此亦自傷  
 賦得仙人好樓居奉壽市橋老侯  
 仙人好樓居締構百尺餘丹碧銜滄海金銀映紫虛

氣通三山近，下視十洲墟。仙人坐其上，日披篆文書。  
 屈伸學禽戲，吐納事煦嘘。避穀終無饑，餐霞顏常舒。  
 顏色何所似，潤澤玉不如。縹緲雲氣生，遙迎白鹿車。  
 云是朝帝所，歸來何容與。憑欄發長嘯，臨池弄蟾蜍。  
 宇宙何寥廓，悠悠觀浩初。寧許遐齡數，限以居與諸。

奉酬岵夷先生見懷

靈羽文章鬱，莫是自丹丘。翔下覽德輝，來儀應鳴球。  
 覆翼一何仁，有鳥為相求。比彩雖不敢，知音辱其傳。  
 將飛金闕下，顧步玉池頭。自謂得所附，追隨何日休。  
 所願無乖期，永言結綢繆。一舉辭此去，即今何處留。

夕棲紫烟巖，朝飲碧海流。茲土雖可樂，悲鳴命舊遊。  
 也傷別離久，又歎道路脩。舊游多所失，欲從竟無由。  
 豈忘覆翼恩，恩深難可酬。努力愛明德，光耀垂千秋。

七言古

七夕值雨口占

西風瑟瑟雨啾啾，今夕何夕使人愁。年年共望星河  
 色，古來有此一夕秋。七孔金針五綵線，家家女兒乞  
 巧樓。今夕期霧不得霧，可憐何處見女牛。為問天上  
 牛，與女鳥鵲橋邊相見不。風雨無與人間異，銀河欲  
 度應無由。城北書齋更蕭寂，孤燈淒然歎獨幽。燈下

繡卷聽雨讀古往今來何悠悠君不見古往今來多  
翻覆惟有江河向東流不風西無與人問異與何如

明珠行送澄上人

明珠元出明月浦明月光射蚌蛤吐蚌蛤忽含明月  
光含光還向明月吐誰知蚌蛤產明珠浦上秋深住  
渙父漁父平生事探淡入海夜映明月取取得盈盈  
似明月再來掌上不肯沾肯獻山中得道人不是尋  
常玳瑁伍道人器重寵何至刪垢磨光不厭苦垢去  
光生貯以衣不知幾年避蒙瞽一朝行色見拂衣持  
之西欲遇明主明主一顧價傾頃增美翅連城十有五  
不須更投道路人道路易逢不祥怒與其徘徊逢不  
祥何若保護早還府府中待爾增價還更將光輝照  
塵土

送滕子虎從姬路侯奉使賀

登極赴京師

今上皇帝登祚春天開寰海總歸新瑞氣先浮中州  
上歡聲忽起率土濱千騎諸侯東方使逐星遙朝北  
極辰中有才子堪托象風流文彩出等倫賦成欲盡  
原濕色意氣揚揚入紫宸羨爾此日極壯觀天門曉  
開五雲端五雲高捧蓬萊殿東曹西曹列千官百世

文物照青真三種神器屹精靈玉璽寶鏡斬蛇劍傳  
 來千秋護朝廷莫言微臣無所關拜來咫尺近天顏  
 朝罷御爐香烟散好携氤氳下人間

詠蘭奉贈鮪田侯

一叢芳蘭吐國香為政風流使君傍使君風流為政  
 暇對此諷詠心何長素枝阿難著花麗綠葉葱鬱泛  
 露光孤根舊託山中石何日移來映高堂不知寄生  
 榮隱谷何似銜寵媚朝陽入曲時向琴中動擁夢夜  
 倚枕邊撥使君及物即如此况又擇善常愛士愛士  
 及物情不偏何曾視民不若舟故抽一幹賜侍臣豈  
 謂同心可共理侍臣拜舞下高堂顛沛不忘佩坐起  
 國香由來非所私誰敢獨得擅其美願我與民同膏  
 澤長奉使君無窮已

彥山歌送山子嚴歸豐後

九州方鎮號彥山三嶽鼎峙二豐間青烟近接硫黃  
 島瘴氣遙隔鬼門關秀色天外迥如競突起玉女高  
 髻鬢水晶為石珠為樹三花的爍四季般更有靈泉  
 穿窟出一飲使人長駐顏仰之青壁千萬仞崖斷由  
 來絕躋攀莫是真人蘇門度縹緲唯有絲雲還老  
 退異不能探徒羨名山限人寰大東此日送才子學

成四海已高視君去試登絕頂望西洋唯應如杯水  
滕儀卿沒後送界子行還三河

界生送爾海上臺爾今辭我何處回相逢不說別離  
苦相視但盡酒一盃東南流萍聚還散西北浮雲去  
又來固知人間事無定滕生即今何在哉一朝憤死  
骨未朽宿艸春風吹已黜我有一枝青芙蓉平生意  
氣不敢負界生煩爾欲致之莫肯否携到三河古城  
傷為掛墳岫墓畔柳

五嶽真形圖歌

五嶽自是不凡庸真圖况復絕形容花押篆文悉曇  
書比公較來一不從差擬五雲迥不動朵朵輪菌含  
奇峰望之巖然人欲敬對之肅爾誰不崇望之對之  
儼正肅方知神秀此中鍾云是掛囊入山林到處不  
若總不逢護身鎮宅非不靈不如此圖原無雙嵩山  
道士不少放越險度阻如蟻封不知幾處撫猛虎澤  
中徃徃騎毒龍我亦欲探天下幽濟勝無具徒自休  
况今老去病且憊雖有此圖奈無由  
莊子謙游芙蓉圖而歸同題賦  
莊生好奇信奇哉芙蓉之頂通天臺臺上蒼茫何所  
見步虛近處一笑回作記直藏石室裡千秋唯比漢



太史更持一圖示人間三峰入圖來千里揅梁積雪  
 壓將崩置座層雲拂自起獅巖崢嶸偏何雄劍崖峻  
 嶒不可倚巧自造化削成功妙也良工描寫技由來  
 千盤御風轉寧思縮得在尺絹移席烟嵐從卷舒凭  
 几滄海入顧眄九州不知安在哉五嶽沈淪視不見  
 到此壯觀比壯遊宇宙如是何悠悠獨怪東隅落燒  
 跡往年此處起鬱攸灰沙蔽天白日黑雷霆十日轟  
 不傳大盤為之怒橫拔洪河為之激倒流莫見天柱  
 將碎際魁魅叫喚因兩愁自爾以來甲子易猶尚仿  
 彿半壁拆女媧殂落三萬年吾黨唯有五色石舒圖  
 一見共不平下酒各斛始到膈平生鍊成已擬山此  
 日鍊成更如積那妨留此垂無窮長當補蒼一大役  
 為蒼池某題群馬圖  
 匹練忽開牧馬羣盈郊溢洞如屯雲聚散奔馳態北  
 一離披颯沓又紛紛衆多固難屈指數品色况復可  
 能分異北艸盡不見春渥注水乾欲揚塵雄姿逸足  
 皆龍媒穆王八駿何在哉唯道周遊窮崑崙較來都  
 是屬駑駘大宛貢獻亦多少不問遙渡流沙來不見  
 周武至翦商解鞍蹄之華山陽蹄之已示不復用安  
 堵天下億兆氓縱是中葉難天步持得三十上世長

此圖聞起國初時莫是

神祖班六師一統以來二百年亦已遼遠馬上治菊  
生早入伯樂室相法此中具委悉昇平不忘軍府備  
不妨秘重藏巾笥

枯梅篇哭兒

曾栽梅花知幾年屈指即是十年前年著花卸舍  
裡垂垂猶如在江邊憐爾此處定主人相得何日不  
堪親尤是歲寒清瘦質好助苦吟伴老身刺乃長夏  
成陰時移牀高卧更相宜詠詩長當青眼友銜杯常  
對白雪枝誰計一朝瘴颺至枝葉不勝盡憔悴楨幹

根抵隨摧殘何處蒲柳望秋墜培來畜養非不篤莫  
是為困秋隘地昔日若知至如是寧若無向此中置  
冰魂一在何在我芳氣銷盡不復回春風遶枝如有  
喪明月影孤空徘徊置之剝落不可見廢亦何忍折  
成柴廢置到此而不得獨抱空幹徒自哀我聞滄海  
為田園况乃榮枯寧足論萬化紛糾目前事由來無  
人知其源木猶如此人如何我老能得幾時存唯嗟  
後爾今猶在終日寂寞向黃昏夜來一枝入夢明對  
我樽前如平生夢覺月白無所見斷腸城頭吹笛鼓

白雲山歌壽白雲山人

白雲山上白雲環終日無心長自閑  
裊裊冉冉又悠悠惟堪仰望不堪攀  
何人收摘一片去為我相贈到  
人間獨有真人自怡悅採藥與之共往還

暮春寄同門諸兄弟

不見春風飄飄忽轉面千點萬點吹花來  
歎息青春難久住鏡中顏色日相催  
吾生由來溝壑朽公等皆是棟梁材  
各須努力達青雲莫使我高門大廈到傾頽

規卿還役說浪華近事

規卿還役還阪城為說近事坐客驚無端  
大風西南起壞屋飛瓦東北行  
大木斯拔小木倒枝葉飄颻如鳥鳥  
鳥鳥悲鳴不得飛馬牛奔亡無處歸  
河水逆流海水揚懷山襄陵何湯湯  
一百八橋一時落平望街中如望洋  
可憐人民渾將魚三日三夜水中居  
處世何時無變災猶幸水退不為墟  
君不知我昔壯歲容遊秋又在此地  
遭鬱攸融風一動猛火發燒天掃地  
及海陬玄冥回祿不暇讓濡幕算屋  
又何由城中戶籍三十萬大半燒死  
積成丘悲雨縱有骨肉親男女不辨  
誰得收急無急於風火急回望如夢  
轉於邑即是元文中事不知與今孰相及

奉酬白田源公七夕見懷之作

美人何在在西方憶我遙寄錦字章文彩絢爛一何  
 粲搖如河漢廣且長忽憶邂逅解寶帶去年今夕星  
 樓會樓頭天霽夜色涼女牛遙度鵲橋外此時贈我  
 綺一端此時報君雙琅玕琅玕聊亦明心好端綺可  
 以製合歡端綺琅玕兩有取望星樓頭相映看唯嗟  
 人間久別離由來不如天上期天上年年有相見人  
 間今夕空相思何當重合此二物却語今夕相思時

三又口放舟

十里長江連海平三派分流縱又橫忽爾一橋空中  
 起疑是晴虹懸太清天涼六月如清秋載妓一放木  
 蘭舟楸杉舳艫離兩岸波蕩歌舞度中流此處舟行  
 無所礙陸流祇應任太留鐵砲洲南龜島隈賦詩醜  
 酒暫徘徊向暮未及待明月一飲已空三百杯潮沫  
 噴雪黏天起濤聲驅雷震地來須臾興發思無限十  
 洲三島何在哉到此足亦不待濡飛棹直欲接蓬萊

鶴壽歌

君不見金穴靈鳥出群標千秋頂色映丹霄赤城明  
 霞共赫灼函谷紫氣齋飄飄排雲不愛冲天翼曾駕  
 仙人王子喬王喬得仙長不死緱氏山頭日道遙南

海老人春秋高，鬚髮都似玉。羽毛置酒大開，添壽宴  
 欲餘幾回。仰爾勞，仰時日下來，萬里可憐。春聲滿九  
 鼻，紫霞杯底不停舞。金花臺上更為翱，承歡直啄蓬  
 萊水。獸壽還銜，閨苑桃閨苑，一桃三千年蓬萊。群山  
 十五黿，願君壽考與桃久。願我羽翼與山牢，長在君  
 堂稱觴前。千秋萬歲為遊遨。

滕桓謹書

熊耳先生文集正編卷之一

熊耳先生文集正編卷之二

唐津文學餘承裕子綽著

男 衡孟玉 輯

姬路 滕 桓子帛

東都 盛 芳子蘭 全校

館林 石 蠡子彭

五言律

早春病中

新年仍擁枕，雨雪鳳皇城。楊柳空春味，梅花自宦情。  
 未期移病去，寧擬著書成。唯使平生臥，猶應似長卿。

春日郊行

東郊春色滿，曳杖步青蕪。戲蝶過園逐，流鶯隔樹呼。  
花深迷曲徑，柳裊倚平湖。誰識浮游地，風光醉玉壺。

早春游某氏莊得期字

城東故人野，不負看梅期。醞熟探春地，花饒帶雪枝。  
青山懸舊色，黃鳥入新詩。尤覺幽閒處，凭梧日漸遲。

新橋舟中作

溝口窺晴處，城頭散彩霞。蘭橈隨柳轉，柳樹傍堤斜。  
鏡裡雙橋影，舟中兩岸家。紅粧誰氏女，獨坐浣春紗。

某侯山池得樽字

十里芙蓉氣，涼風開水軒。憑欄山翠落，拂席瀑泉翻。  
丘壑藏朱紱，江湖對綠樽。誰知謝公意，每向此中存。

秋日伯通子行過飲

孤館秋風滿，開樽倚薜蘿。交情平日見，聯步此時過。  
對酌三人足，從遊二仲多。自非有君輩，誰共和高歌。

字子迪來過賦示

何日渡江來，相看復把杯。秋風生萬里，明月倚高臺。  
堪結中原士，難論四海才。十年一懷抱，更向幾人開。

秋日懷木得臣時得臣患眼

三秋不相見，抱病意何如。懶作王門客，寧迎長者車。

浮雲過眼翳落木傍人踈今日西河似方知歎索居  
沼子行轉今職後來訪賦示

杯酒平生態相看共自真古今雙眸睨天地一風塵  
心殆論文盡歡應道故親新知遍湖海誰是眼中人  
秋夜同伯通飲子行客舍

三年祇役處命燭倚樽前秋水魚龍夜西風鴻雁天  
歡因同舍盡情憶故園偏驛使多留滯音書不可傳  
春日過沼子行青山宅

休官今日事卜地豈辭閑鳥響空林裡花開幽樹間  
詠詩誇白雪把酒對青山猶有從游友時時為往還

七夕同諸子遊稱念寺得深字

白露下庭陰僧房涼特深星期天上夕人忘世間心  
共指懸弦月誰論穿線針坐來蓮漏響滴滴徹虛襟  
冬日陪壺山老侯宴懷仙閣分韻

懷仙高閣上把酒一登臨龍闕寒雲迫神門紫氣深  
家霑金馬肉人挹玉壺心幸侍詩賓宴寧辭為醉吟  
彦根諸士邀飲于山王智衆院同賦二首

清切無塵境開樽倚梵宮楸深籠氣色池澗浸虛空  
人憶西湖水詩驕東海風俱憐萍梗會一此得相同  
載酒相迎處清垣擁淨扉衆從過祀下坐學結跏依

池水看侵席，庭陰欲泛衣。何妨如是地，終日盡歡歸。  
哭源定行

昨來親見我，聞訃忽茫然。只是堪疑夢，如何欲問天。  
秋風吹曠野，落日沒長川。不遂登高約，蕭條重九前。  
春日同拜君璣保居敬遊飛鳥山

春郊行到處，遲日盛芳菲。林亘高原濶，蹊通幽壑微。  
看花誰不醉，把酒此相依。縱使山中暮，猶應扶得飯。  
著莪園春集分韻

延客芳園裡，菁菁莪亦肥。臨池銜雨露，連掖帶光輝。  
聊與歌詩讌，寧辭醉酒歸。餘歡君子樂，永日靄春暉。

早春過長阪，替人墓下有感。  
墓道人行小墳孤，殘雪前山河。仍舊色蒼蘚，入新年。  
親友多先逝，文章殊未傳。獨餘遲暮感，為爾一潸然。  
人日同杉生飲石子詎城東新宅二首

白首逢佳節，青樽見故人。已憐春意美，更賞歲華新。  
雪裡金花勝，風前烏角巾。平生吾輩態，今日就君真。  
猶是郭門內，何來此卜居。春聲新燕雀，古色舊琴書。  
避俗寧容限，論交自有餘。三人相對酌，聊又不蕭疎。  
三月二日旭野侯柳原邸席上分韻

臺上開高宴，風光三日前。桃花映池水，柳色散堤烟。



美酒霑濡徹幽情諷詠懸共知修禊興相促在茲筵

夏日某氏池館分韻

清夏曲池上綠陰欲染衣魚行分聚藻龜暴滑苔磯  
幽趣心殊會高歡坐自依羽觴不待泛已向席間飛

送野子幹歸省奧州

故國何日到萬里向東人匹馬關山路孤鴻滄海濱  
遊方應有限歸省可空晨憐爾高堂上雙存侍老親

暮春寄懷子虎卧病分韻

憐君淹伏病窓外靜年芳花落春看過鶯啼景漸長  
思人勞夢寐止酒惜風光今日離群意方知羨雁行

詠松二首

盤根依岸列何代此叢生萬古寄神樹終天持老名  
枝懸江月影蓋擁海濤聲借問含霜色還經幾歲榮

右墨江

青蓋排沙偃層層映海中藏龍身自古棲鶴歲相同  
不改千秋色長含萬里風欲知偕老友唯有採樵翁

右高沙

秋夜對月  
高秋遙望月萬里凜霜輝江濶孤帆宿天長一雁飛

誰家吹玉笛何處搗寒衣今夕情殊切寧能不憶歸

送小野生還西赴東奧

憐君還萬里，負笈幾何方。游地盡東西，海天分南北。州  
多年旅窓，月明日故園。秋去矣，親猶在。勿令烏兔流

暮春同諸子從南郭先生遊駒郊飲石仲綠

宅分韻

從遊還此地，郊樹翠烟微。一室開環堵，群居侍縫衣。  
玄談窺壘動，幽興任觴飛。好是春風暮，聯翩伴詠歸。

中秋獨酌

明月不違期，高秋獨酌時。清輝搖薜荔，孤影倚蒹葭。  
寂寞寧須問，蹉跎且自知。只堪供醉卧，天地一生涯。

送補宗上人歸省豐後

豈亦瞻依切，飄然謝遠游。星辰辭北極，日月向南州。  
叨利天邊路，曼珠臺上樓。知君雨花處，如海且堪酬。

秋日奉陪平野念佛精舍大上人泛江東墨水  
舟中作

亦自津梁地，蒼茫東海濤。二州分野色，一岸散秋陰。  
濟渡元知遠，因緣豈不深。扁舟蓮葉似，此日托生心。

某氏新宅同東伯通界子行賦示主人

新落高堂，宴涼風生。座隅梁棲，江上燕屋。止府中，烏  
北闕擎金掌，南山對玉壺。憐君斯聚族，飲賞及吾徒。

護洲晴望

遲日雨餘景江城望不窮青山收宿霧白水接晴空  
洲渚鷗群外樓臺蜃氣中方知津市近酒旆掛春風  
元夜集款公宅分韻

元宵如白日度鳳城隅燈檠三千戶車塵十二衢  
清游知何處狂態復吾徒一醉高堂上非關賜大醕

秋日登江樓賦時主人新起病

八月江樓上潮來秋色高千帆集馬鬣百里散鴻毛  
興至飛揚甚詩成意氣豪方知新起病不借廣陵濤  
同石仲綠飲由之筠齋分韻

相迎着竹處移晷坐清陰已約題詩遍何辭醉酒深  
偽容崩散髮真理見論心今日存吾輩猶聞正始音

綠珠怨得先韻

一曲思歸引高樓告別絃綺羅寒白日翡翠慘黃泉  
金谷春樽側沙棠芳榭前安能魂化蝶飛舞繞瓊筵

初夏過僧院

寶池春已盡入夏過僧房翻貝清風動玄白日長  
鳥啼幽榭裡鹿卧古堂傍偏愛青苔厚忘歸坐石牀

除夜

四十明朝是今宵新舊分婆娑看世態寂寞守吾文

鼓篋計元拙，雕蟲名豈聞。逢春須濁酒，不必問青雲。  
人日寄界子行時子行內計至不出

誰憐為客地，寂寞度年華。伏枕非關病，空齋似服霞。  
感多看菜葉，腸斷對椒花。唯有杯中物，猶堪春興賒。

送烏石山人遊畿中

去矣何濡滯，茲行自壯遊。單身堪濟勝，萬里欲探幽。  
名嶽金函秘，神都玉璽留。還知如掌地，一覽盡中州。  
早春雪集得看字

新年飛素雪，高會試春歡。展席人先集，銜杯酒尚寒。  
賦還梁苑就，歌豈郢中難。此日陽和色，應從我輩看。

暮春墨水泛舟

遲日城東水，浮舟霧始消。春流涵兩岸，天影抱雙橋。  
晴鳥依沙戲，飛花隨浪飄。興闌未回棹，醉逐晚來潮。

送松大夫子錦奉使赴總州謁先君廟

單車千里使奉命，發都城地闢關門出。天低原野平，  
山川傷舊國。州樹展新榮，寧獨風雲感。潛然淚滿纓。

服愿卿遺稿出賦題

青編誰子藻，蚤已出中原。才促天年逸，風弘家訓存。  
燕臺留駿骨，楚地引英魂。猶見黃金色，堪將白雪論。

東都送吉子用還薩州

嗟君鄉國遠，萬里雁行秋。祖席辭鳳闕，歸帆遶九州。  
雖從南海住，寧忘北人遊。早晚平生意，明珠示我儔。

宿玉關

一宿關門裡，通宵風柝聲。天遙鄉夢斷，地嶮旅魂驚。  
秣馬臨千仞，窺雞徧五更。往來從此路，媿爾棄繻生。

同某生夜送梅館公子之櫬至城西山寺途中作

長夜西門外，暝途輿櫬過。離城風柝遠，入野艸蟲多。  
共識群臣哭，誰憐二客歌。星河慘行沒，髣髴白雲阿。

梅館公子墓下作

一杯黃壤土，永掩碧琅玕。林壑清秋寂，乾坤白晝寒。  
泉流如有聽，雲徙不離看。為感平生遇，沾衣何日乾。

歲暮飲東伯通藥室分韻

歲暮相看處，樽前眼共青。馬臺晴夜色，鳳闕度春星。  
薄宦關何事，清時醉此亭。若論還白髮，不必問丹經。

夏日飲谷文卿宅

不厭城中任，知君避世心。圖書多古色，松竹足清陰。  
把酒人逾遠，談玄境自深。居即如是何，必慕山林。

乙卯元日

荆扉新日月，雨雪傍人翻。一笈江湖上，二毛萍梗前。

雕蟲攻朽質，咕嗶鑽枯編。自愧無能致，因循度仕年。

早春海望

春回試一望，海上氣初晴。江帶流澌下，山含殘雪橫。  
寧無求藥客，獨抱羨魚情。老去忘機久，群鷗休謾驚。

夏日從石井君遊船督鶴公西國橋亭不韻

盛夏長江上，青樽迎客開。晴虹檐外掛，涼鷁海邊來。  
逸興重堪發，餘歡未擬回。只疑文舉坐，兼接本初杯。

詠画鷹得風字

忽爾真鷹出，高堂画壁中。雪崖聳瘦骨，霜練卷英風。  
堪擊晴愈疾，將搏氣自雄。何當繫絛錠，一放渭城東。

東海寺觀楓

蕭寺楓林敞，高秋滄海灣。氣含香刹冷，色映蜜珠殷。  
觀相僧長坐，思詩客未還。何妨賦成錦，一片出人間。

宿泉谷寺呈惠頓上人

投宿依方丈，遠公趺坐邊。六時滴蓮漏，通夕掛風泉。  
十載人間別，三生石上眠。祇須共剪燭，却語舊因緣。

送糟厖卿從其君大胤侯之南總

送爾都門曉，蒼茫指總中。雪山侯館外，滄海郡城東。  
百里辭家日，千金奉主躬。猶聞多俠客，慎勿戀鄉風。

移居

移居背城郭，即似避風塵。雨雪傍虛幌，茅茨為並隣。  
清時元自棄，陋巷豈言貧。高枕青山在，何妨卧向春。  
暑雨同服仲山管，習之林大豐。游緣山了璇，上人與鸞山。俊靈二上人見迎。

携手過僧院，相迎精饌參。列盤留襪屐，連架掛袈裟。  
庭貯書經葉，池栽諭法花。共聞談淨理，眷戀到昏鴉。  
秋日同諸子遊某生恩田別業分韻二首

愛爾城西宅，青山出郭迎。柴門容客狹，竹徑引流清。  
丘壑何人相，田園吾輩情。一樽如此地，亦足見平生。  
衣帶寧辭解，閑游聊得同。乳山肱卧，外流水手談中。  
坐久來秋色，吟長生晚風。不堪幽興引，酣醉對殘紅。

新歲作

四十江湖客，如何新歲心。乾坤餘浪跡，雨雪傍沈吟。  
技豈雕蟲貴，懶應浮蟻淡。陽春縱有調，不必問知音。  
壬申元日偶成

甲子王正月，侯門簇馬蹄。梅花新築館，楊柳舊封堤。  
鶯送春聲穩，人迎物色齊。謳歌千里外，此日滿河西。  
夏日陪南郭先生遊禪上人房

支遁長齋處，山房入夏過。香厨新畝筍，趺坐半池荷。  
幽趣供詩足，清談對客多。只依去度理，堪可難維摩。

夏日二十首

一自閑孤館，蕭條少所親。終朝唯苦雨，長夏不看人。  
局促因何事，羈縻誤此身。終非縱可悔，今日向誰陳。  
有酒唯須酌，寧論聖與賢。局扉空自勸，敬枕足酣眠。  
天地窮愁外，風塵大夢前。無為徒自苦，白首度流年。  
若問似潛夫，非關論有無。容身寰堵濶，謝客華門孤。  
朝暮青山在，蕭條白日徂。誰將一縫掖，還賤使君符。  
蕭蕭熟梅雨，五月暗江城。石上苔痕濕，堦前蕙莢生。  
明時方海晏，何日是河清。埽鳥高齋外，端居俟晚晴。  
百年多病客，十載倦游情。徙倚將誰適，蹉跎歎此生。  
天時方酷烈，人事且橫行。唯有滄浪水，偏堪濯我纓。  
吾輩諸君子，風流不可攀。業高千歲上，才蔽一時間。  
意氣生交臂，杯盤見解顏。今年河朔飲，何處並羈還。  
衰德誰為歎，高歌思楚狂。一經垂五十，雙鬢凜風霜。  
秋色江湖外，清音丘壑傍。那能淹小艸，吾道有行藏。  
飛揚何爾甚，積氣忽全開。半夜傾盆雨，千門失匕雷。  
魚龍爭自躍，天地欲俱摧。時一酬高詠，孤襟更快哉。  
高齋吟罷處，一雨過城頭。弄伏襟如洗，千門吹欲流。  
晴虹收返照，白露滿清溝。入夜河增見，方知近素秋。  
終朝倦机卧，長夏杜門時。踈懶真堪見，佯狂態任疑。



浮雲來海上，落日滿天涯。唯有千秋事，風流似可期。  
清風何處至，高枕北窗眠。世豈羲皇後，人猶葛氏前。  
青山迎散髮，白日擁聳肩。棄置還吾分，何須更問天。  
浮雲千萬里，無日不悠悠。未解霜塗渴，還能觸客愁。  
江湖十年跡，天地一扁舟。誰念將微祿，羈身似楚囚。  
夏雲何意緒，碑碣起奇峯。宦到趨時拙，心於解事慵。  
文章元弊帚，經術亦屠龍。身世俱如此，胡為歎不容。  
也識少知音，詩成獨自吟。家貧無長物，人老有孤琴。  
溽暑愁湫隘，涼風思曠林。欲從牧人去，何處綠陰深。  
懶朝寧為醴，彈鋏不關魚。終日無過客，平生似隱居。  
人遺空若是，自見竟何如。湖海元龍氣，於今未可除。  
側身經夏意，底事轉淒其。海上浮雲逗，城頭落日遲。  
忘憂無似酒，遣興亦應詩。何物還牽我，由來生有涯。  
幾年泣岐路，今日哭窮途。敢謂身無過，難能道合污。  
唯見門前雀，誰憐屋上烏。風塵書斷絕，索莫憶吾徒。  
愛此盆中艸，青青寸有餘。托根雖至淺，生葉未全疎。  
清堪隨枕簟，瘦可伴琴書。莫使乖長夏，移來懷日虛。  
豈謂非窮阮，屏營夏日過。風塵看逼迫，炎熱厭煩苛。  
今日交游少，何人意氣多。未逢鄒魯俠，空歎老蹉跎。  
世路升沈定，人間榮辱分。見來都外物，默守獨斯文。

跡跡還堪削微名寧願聞縱令逃白雲不必問青雲

柳原君宅詠新竹

樽前何所見新竹欲成林籬落抽青幹枝披散午陰  
晨昏含露色日夜拂雲心誰待清風起應為穆若吟

首夏郊行

城頭芳氣罷郊外綠陰多堤拂風前柳波浮雨後荷  
原平飛牧笛林近起樵歌何處花猶在欲尋山寺過

五言排律

春日謝南郭先生與門人莊子謙鵜士宰見過

籃輿過客館蒲席擁門生氣象干星聚光輝披霧迎

千秋看業色一日罄歡情縱之盤餐薦猶堪樽酒傾

言論正始旨翰墨建安聲園集嚶鳴鳥庭含翮落英

登龍俱有素附驥獨何榮偏喜文章託吾儕得主盟

春遊林祭酒塾分韻示塾中諸君

一入塾門中陰森列學宮地連龍闕切牆接鳳城崇

綠竹籠分舍幽蘭映對櫳縹緗乾宿霧帷帳度春風

喚友鶯聲應開樽花氣融逢迎情不淺間燕樂何窮

坐久言論徹歡深唱和通歌芥方在泮詠芑更思豐

仰止星歸北朝宗水注東昇平窺我契邂逅見天衷

臭味元非異杯盤此得同文章有起伏禮樂無汚隆

聊與威儀攝。寧辭酬酢終。誰知桐馬酒。餘瀝及微躬。  
奉送旭野侯還迤江封邑

封邑還何處。都門送畫輶。天文高北陸。地理接中州。  
入境壺觴候。過郊竹馬留。湖堪張樂泛。山可賦詩遊。  
彩翰詞臣弄。青錢野叟酬。行春窮縣內。覽古倚城頭。  
舊德千年頌。新治百里謳。方知使君政。與令共同流。

題西園圖

地軸漳河北。園圖鄴廟西。庭粧紛蕙萑。池飾泛鳧鷖。  
霞拂丹樓出。雲含青蓋低。畫欄臨玉道。華葦寄金堤。  
看滿方圓薦。杯行遲速齊。賓遊非異事。公讌定同題。

綺麗終能忘。風流長不睽。千秋一堂上。左右欲提携。

登元興寺浮圖

突哉多寶塔。締構育王年。七級基初地。九輪聳梵天。  
風迴簷鐸響。星綴網珠懸。白日遠中際。浮雲平四邊。  
孤高離譬諭。奇峻出言詮。生死攀飛架。虛無俯列椽。  
鷓棲深覆蔭。雁度遠因緣。功德誠存此。登臨豈偶然。  
蒼茫荒國土。彷彿杳山川。王氣一消滅。神都幾變遷。  
丘陵餘麥隴。宮室沒桑田。不待三災起。壞空了眼前。

滕桓謹書

其氣發而擢會室於桑田不耕三足豈對空石耶  
 蒼筤蓋國也越都香中何玉象一散如軒借焚燮  
 高封彩雲新馬更因秋以對雄舞此豈謂當  
 高結誓能言交出言鍾玉玉華飛落處無  
 風賦香飄響星點湖相顯白中劉彩雲平  
 突若多寶欲翻舞青玉平士財基勝此大  
 寶神登大興寺彩圖  
 熊耳先生文集正編卷之二 姓一堂堂式古好對

熊耳先生文集正編卷之三

唐津文學餘承裕子綽著

衡孟玉 輯

姬路 滕 桓子帛

春日 門人 東都 不盛 芳子蘭同校

館林 石 彘子彭

七言律

春日

新年病起對春風 城上天晴望不窮  
 禁苑楸銜青霽 動御溝水泛綠蘋  
 通千門楊柳啼鶯外 九陌塵埃嘶

馬中此日誰憐，一宦跡還同避世。在墻東。

送法州上人西歸

高僧振錫出塵寰，憐爾西州萬里還。一路彌天蒼海，  
外雙峰上地，白雲間。雨花應坐摩耶窟，噓氣堪留鐵  
柁山。只道津梁猶未倦，何當衣鉢向東關。

春日鮑參軍集稷卿病不至有詩見寄和答

詞客高堂春色開，相逢宴會此徘徊。酒闌啼鳥頻求  
友，坐久飛花故入杯。共待尊前衆興至，何知病裡寄  
詩來。滿筵縱使堪裁賦，無那風流少爾才。

答人岐岨道中見寄

尺素遙傳信地來，知君匹馬度崔嵬。泉聲晝暗山中  
路，艸色天青湖上臺。游子篇題春樹遍，故人書向白  
雲裁。何堪千里孤行意，落日邊愁處處催。

送冢宰鄉君從公就國還三河本府君於是乎

為公逆君夫人也

吾侯千騎入封年，托乘大夫才自賢。祇役親迎圖社  
稷，從行故國覽山川。謳歌已動三河水，歡樂應看百  
里烟。輔翼唯知新政美，因君更向四方傳。

壬戌九月八日同諸子登金龍山賦

萬里秋寒鴻雁天，登臨高閣把盃前。金牛岸圻諸州

出白馬江長匹練懸水退再看唐代績人逢不讓晉  
時賢共來堪擬龍山宴早已西風過帽邊

送滕子布之播州

高秋躍馬向西關極目蒼茫攬轡間天盡玉畿千里  
境地分陽道八州山番君退跡鳴濛裡姬子孤城滄  
海灣此土由來堪吊古何妨一為壯游還

送禪軾師赴西京本山值開山國師五百年遠

遙飛杖錫意何如知爾此行情不踈五百星霜淡祖  
跡彌天日月通皇居道高憶昔迎龍駕衆勝誰今

說鹿車亦自緇門期命世一時驅駿莫躊躇

送大行人某君出巡按東國

使者銜恩向大東星軺曉發建章宮臨關自失山河  
壯巡邑堪驕郡國雄擁節土濱行問俗陳詩海上坐  
觀風應知皇化遐無外卉服夷人按部中

九日游德田氏賦時余寓平野大源精舍

河中秋色正悲哉極目蕭條平野開北郭榭懸流水  
遠南山雨歇片雲來誰知落魄依蓮社獨見殷勤泛  
菊杯今日因君為一醉不須更上望鄉臺

奉賀岡田君再補郎官

舊自風流漢省郎，再看文彩照朝陽。暫修毛色辭鸚  
列重刷羽儀，添雁行。夜滴慣聞仙署漏，晨翻仍惹御  
爐香。君家剡比田，京兆題柱名聲待日揚。

早春寄子帥秋先生

春還不見故人書，望斷大東千里餘。函谷雪封勞夢  
寐，武昌花發想興居。銜盃白屋非誇賦，鳴玉朱門或  
曳裾。離索天涯獨何事，應憐病渴似相如。

賦得長安春望

長安二月望將迷，陌上紅塵送馬蹄。烟雨初乾韋曲  
北，鶯花欲織杜陵西。可憐行樂遍秦地，獨自歸心懸

楚溪。唯有城東門外，艸春來無日不萋萋。

送東城伯通從駕之三河兼懷滕儀卿

三河西望路漫漫，萬里風烟送從官。涉遠光輝生柁  
衆，登高詞賦滿征鞍。途中應接山川美，境上逢迎父  
老歡。剡有故人馬卿似，清秋起色待君看。

送惠頓上人迎板輿還攝故山分韻

高僧卓錫白雲阿，一向人間賦蓼莪。萬里津梁擊鉢  
度，滿天風露侍輿過。楸邊說法依桑梓，石上因緣坐  
薜蘿。知爾築臺逼剡利，續絃幾處雨花多。

高子式羅災後賦寄

城東何處故人居二月春風草滿墟縱謂跡同巢幕  
燕誰知禍及伏池魚青氈投去身無恙白雪歌來心  
有餘唯使千秋詞賦在寧妨四壁似相如

暮春在叻兒戚懷同門兄弟

一身為客易蹉跎愁裡思人春復過  
艸色全開梁苑月楊花坐落鄴江波  
別來天地青雲隔老去風塵白髮多  
此日誰憐索居意併將哭子似西河

看夏陪島道遙公登城北臺得清字

高臺風色向朱明臨眺城中綠樹平  
花謝千門芳氣歇蒲生一帶水流清  
漸看物候隨時改須使酒杯留

客傾惟愧下才乏登賦謾陪遊賞伴簪纓

酬沼子行見寄懷

知爾蹉跎雙鬢寒投來無恙翠琅玕  
抱才寧待彈冠薦論故還思擊筑歡  
吾黨行藏天地在何人意氣古今看  
未傷各作玉門客咫尺風塵握手難

管丞相祠

丞相祠堂何在哉森森松柏帝城隈  
萃標高拂青雲出碧殿深銜白日開  
經世文章垂宇宙回天義氣動風雷  
身遭流竄非其罪永使忠誠肝膽摧

與服仲英約東海寺觀楓不赴因有此寄



津邊蕭寺白雲扉客愛楓林倚翠微霜後山銜潮海  
出風前葉雜雨花飛人間衰病深難犯方外幽期多  
見遠徒想君貪香閣色新詩飽滿錦囊歸

寄題風篁館

一畝幽篁孤館陰含風戶外倚蕭森青苔夜藪鋪明  
月寒玉時鳴入素琴隔逕松杉分古色繞牆山水假  
清音此中若許容吾輩寧厭肩輿千里尋

歲暮豐濟美曹旌卿滕士文根君美市子人

君見過分韻

蕭齋歲暮興如何數子聯翩載酒過為是平生耽寂

寞多令日月屬蹉跎行杯忽動青春色授簡爭飛白  
雪歌應笑草來玄未就年年添得髮絲皤

送人之峽中

千山西望鬱漫漫見說峽中行路難躋嶺層雲迎馬  
起臨溪流照人寒猶傳名將治兵處何在高僧開  
法壇君去試登天目上應堪一作古今看

南郭先生芙蓉館宴集

春晴萬里散輕陰開宴遙臨東海濤齒齒峰擎高館  
出滄溟流入大杯淡百年氣運窺天地一代文章見  
古今吾黨誓盟有歸處何須飲血更相尋

春日遊東叡山

帝子芳園鳳闕東，春光不與世間同。一  
群嬌鳥雲霄側，百樹新花雨露中。壯麗誰  
論秦別館，穆清元厭漢王宮。客來堪擬  
上林賦，借問何人司馬風。

江樓晴望

高樓八月大江邊，積雨初收落日前。兩  
岸齊開漁客網，中流遙上賈人船。虹晴橋  
影長天出，雷碎濤聲萬里懸。偏覺賦成秋  
興壯，揮毫欲擬廣陵篇。

題島子止彩霞亭

百尺高亭擁彩霞，攀來氣色自繁華。朱  
簾日近含雙闕，錦幙春留映萬家。閨苑勸  
觴寧肯讓，赤城成賦且堪誇。憐君能使紅  
顏在，長此登臨興更遐。

送人歸隱函谷

匹馬春風東海濱，西山遙指白雲岑。嶽  
懸烟雪青冥合，路入閑門紫氣深。千里難  
追歸隱跡，一樽聊盡別離心。君行若拂蒼  
苔坐，何日還傳空裡音。

駒郊哭石仲綠

此哭同袍賜綈回，郊天慘淡雁群哀。一  
從地徵修文手，無復人當作賦才。高唱空  
今留楚調，賢名憶昨動燕臺。長埋駿馬黃  
壤裡，使者猶應求骨來。

奉送扶搖公子以山邊相公所嗣赴水府

武昌楊柳送青驄千里行程指掌中大嶽高含天影  
峻親藩遙擁海流雄春猶魯國諸生色客自信陵公  
子風尤是居恒能下士何妨異日政聲通

夏日藤伯龍樓分韵家出一粒金丹

薰風拂席滿檐間把酒高樓好解顏直指南天銜白  
水回頭北郭出青山傳來玉七知三世鍊就金丹見  
九還不是主人憐俗客何能一使我曹攀

送廳道益歸岐岨

嗟君不肯少時留一向人間見掉頭駒嶽白雲天際

起鷺湖明月鏡中浮著書自擬陶弘景賣藥誰知韓  
伯休只道青山堪可愛何當重作帝衢遊

送東龜年從大孺人游相中

潘輿親御路途艱遠覽徘徊相水間行樂由來堪養  
疾稱觴何處不承顏窮幽江限金龜洞探勝雲深玉  
筍山知爾閑居兼構賦資糧多少拾收還

送管習之早春從鳥羽侯勞朝鮮使于赤阪驛

梅花帶雪映星軺致餽驛亭勞使朝東道逢迎開主  
館西韓貢獻備群僚誰能珠玉當場鬪君自珊瑚對  
客驕知是江關霞未起揮毫先建赤城標

寄朝鮮學士南時韞有書質百濟舊跡

西客如雲俊傑多，知君才力不同科。  
泛槎遙指扶桑日，載筆還凌渤海波。  
祖述堪弘洪範傳，尚論從繼故壩歌。  
望風因想千秋跡，舊國山河今若何。

三日陪某侯游墨水

長江霽色弄漣漪，正是城東修禊時。  
白馬津邊迎彩鷁，金牛谷裡聽黃鸝。  
桃花水泛流觴穩，柳絮風翻舞袖遲。  
今日自憐陪盛宴，賦成同傲永和詩。

夏日舟到牛渚入弘福寺避暑

溪上望來香閣遙，門前暫緩木蘭橈。  
雨過碧沼涼初泛，風入紺園暑自消。  
移坐聊堪依菡萏，題詩更欲滿芭蕉。  
吾曹唯為耽幽興，未擬回舟乘晚潮。

酬冷然上人秋夜宿石山寺見懷

大湖秋水浸諸天，月朗高僧坐不眠。  
一宿山中觀色相，三生石上了因緣。  
衣珠影冷龍宮近，灯火光微佛閣偏。  
今夜憐君空住，意偈成還向世間傳。

南都覽古八首

千里山河古帝都，何言盛德減陶虞。  
風高上代章明化，威定遐方征伐謨。  
艸偃東夷傳一劍，波沉西海掛雙珠。  
縱令中葉遷宗廟，此地長開百世圖。

國定蠻夷道始開三韓玉帛日崔嵬風歸博士傳經  
至威服藩王奉冊回何處迎賓曾築館當年繫馬獨  
登臺請看百濟川頭水仍舊流從西北來

曾從經國築檀原社稷漸看封植繁奕葉族昌藤掛  
蔓旁枝家固橘依根維持千祀終誰力遷徙一朝非  
易論今日試登舊墟望離離黍實滿田園

當朝際會自明良大廈何人堪棟梁百世經營傳禮  
樂千年制度見衣裳土燃廷內鼎初動星隕宮中鑷  
遂亾從是邦家屬艱步誰知大患起蕭牆

一片浮雲悵望前千年社稷是非懸亂朝奸賊多褒  
寵治世親臣半死權孤竹遺風無復繼洛師後命竟

誰全獨憐記筆能旌國荏苒猶同皇統傳  
百二皇居駐五雲千秋氣象正氤氳衮衣何改龍鱗  
色寶字不消龜背文一自彗星凌北斗漸看階屮弄  
南薰誰知神器終遷去長使空林鹿作群

川原繚繞白雲寬此地思曾擁百官芳楸分行迎玉  
佩春風回仗動仙鑾侍臣何在南朝殿天子不還西  
海瀾唯有三山明月色依然猶作舊時看

招提遺跡帝丘東猶說前朝盛奉崇締構無非憑國  
力莊嚴剎見借蠻工光沉舍利歸塵土臺沒須彌屬

壞空為問，廷臣爭底事，不須成燼，填江中。

關宿城

百雉崇墉，二水間地，雄城險帶，江關映牆。山色含秋，爽遠，郭潮聲入夜，閑出。公曾非干避亂，宿來寧是為逢艱，不眠唯伺雞鳴，坐寂寞寒燈照客顏。

刀彌川

一帶長川，限二州蒼茫，遙接海門，秋總山銜黛峯巒。出武野如烟，艸樹浮維昔，公孫徒躍馬，祇今客子不爭舟，何須此地，驕天險碧水悠悠，日自流。

山川墟

自封遷餘古墟，山川如故，幾居諸墻崩，雨透青蘿。密園沒烟含翠竹，踈喬木千章，徒表國遺民，三戶僅存，閣縱非麥秀，傷亾客未免，重來淚滿裾。

曉發關宿

關門曉發，大河陰雞叫，城頭月欲沉，人渡寒潭，秋水暗鳥棲幽壑，宿雲深稻梁行徧，憐民業，霜露看繁傷客心，回首東方天漸白，依稀樹杪見遙岑。

題君美明月館

雲霄咫尺鳳城隈，孤館高懸明月開，霧散窓中窺曉睨，霜銜檐隙出樓臺，移牀清冷蟾蜍動，拂席婆娑鴻

雁來知是主人堪作賦風流自有謝莊才

九日登白馬臺

九日霜寒白馬臺眺臨風色入欄開依稀層閣城頭  
出縹緲浮雲天際來一帶清流懸匹練四邊秋樹映  
銜杯共逢不淺登高興此處誰辨酩酊回

送柴文學從同侯歸豐後

一向秋風送玉珂侯門詞客寵光多超乘已過中原  
路扈從更浮西海波彥嶽遙迎千騎色豐城直指九  
州阿知君奉主平生意自獻須裁寶劍歌

東都送德雲上人為某上人嗣赴三河

丘行色動秋烟一路遙彌滄海天卓錫欲棲孤鳳  
嶺浮杯先度二龍川花臺說法知分坐詩社論交惜  
別筵自道猶餘東請志重來何日問因緣

得秋婦德書及詩卻寄

天寒海上雁飛高憐爾離群思我曹萬里遙投雙玉  
案九冬無恙一綈袍山陰夜雪難乘興江左風流欲  
讓豪祇道都遊重有日何當刮目待回鑣

送野孟鉉暫東歸

英才意氣正崢嶸直指鄉關萬里程橋上誰知題柱  
客人間又見棄繻生到家暫慰門閭望分手何論兒

魚耳集正編 卷之三  
女情此去剝期再游在不嗟吾道頓東行

秋盡

秋盡平原客未回空囊落日獨登臺東南山豁河流  
出西北地寒雪片來千里名駒誰作買一樽濁酒且  
堪開邯鄲年少休相問今日難論毛遂才

哭高子式二首

葵錦倉故詩中及之

儒林選俊似君難詩社相推早築壇長見坐中稱祭  
酒何圖地下補郎官盟休海嶽清秋靜吟絕江樓明  
月寒一向西河哭夫子門人多少失聲看

悲君早已厭人間丹旆悠悠何處還月送夜過川上  
路雲迎朝向海邊山預因藏骨營丘怪暫為傳詩倚  
闌闌只道陽春高一世何知欲和竟難攀

奉酬謝烏山老侯見賜之作

聖代諸侯盛寵光曾觀千騎自東方罷朝何日舞  
列遊藝無人稱雁行海內芳聲傳已久淮南鴻寶秘  
還長微臣唯愧將衰朽捧賜難賡桂樹章

送人遊兔道

莘洛東南水一方憐君探勝入名鄉色淡麴釀金花  
熟品貴芽銜玉露香鬼女待人橋尚在仙僧留藻宅  
長荒更知吊古堪傷目此處蕭條有戰場



木子纓遊水藩云謁相儲扶搖君

都門送客雪紛紛東路風寒大嶽雲雙掌高懸天外  
出一藩遙向海隅不諸生在洋猶修禮相國傳家更  
好文行矣此游應有遇何須落魄歎離群

除夜

獨坐淒淒夜色清寒燈踈壁二三更斗牛西轉隨河  
影鳥鵲南飛度海聲天地一經糊口客江湖十載倦  
游情誰家池上王孫艸明日春風吹又生

立春後一日雪中滕根二生至

六出翩翩似落英春光幾處鳳皇城病來常慣闕門  
醉客至何妨擁被迎盤裡椒花經節老杯中竹葉遍  
入清若非君輩能相見誰識袁安高枕情

早春送曹厓卿充朝廟使赴勢州

使者乘春意氣豪南州物色擁千旌烟平鸚鵡洲邊  
草雲穩鯨鯢海上濤茅屋千秋存自古土階三尺仰  
彌高不妨忠信交神處行葦篇成薦彩毫

送界子行還三河

故人朝議鳳皇樓遙指三河千里流海上雲山懸旅  
思天涯風雪動離憂郡城直接蓬萊洞野水斜通杜  
若洲憐爾向春回去處偏堪近縣作浮遊

滕儀卿病不果東行且聞告免職因有此寄  
 知君卧病負青春况復幽期違故人花裡白駒空自  
 過樽前黃鳥為誰頻相看蚤歲彈冠意無那清時伏  
 枕身只使文園詞賦在何須奔走向風塵

小泉侯邸雨中觀花分韻

侯家春宴對花叢美酒樽前烟雨中鶯宿報時車厭  
 濕燕銜飛處不妨風坐來漸看燕脂落醉裡全知露  
 霖通今日尤堪詩賦賞平常歌舞好何同

哭閨秀神氏

誰家忽已失華裾翠帳無人夜月虛欲見班昭終補  
 史何圖蔡琰早捐書塵埋妝閣菱花暗芳盡椒盤柏  
 葉疎自古閨房難得秀為君今日一沾裾

送滕子虎從姬路侯之播州

再從千騎發東方此去郡城何處鄉土美舊封蹊甸  
 服關荒故道入山陽譙樓直指雲霄峻睥睨斜銜滄  
 海長邊鎮依然多暇日投壺好醉使君侑

送盛子蘭遊玉函山

送客遙看相海隈玉函山色鬱崔嵬天分嶺樹青氣  
 散人度關門紫氣開體便寧無濟勝具業精更見修  
 文才撰成他日藏書處認得何峯片石回

護洲眺望

宿雨初收晴景新，護洲眺望入江濱。  
炊烟忽散青楓岸，春水遙來白馬津。  
城上樓臺銜蜃氣，橋邊楊柳送車塵。  
吳門咫尺回頭近，誰是當年避世人。

春日霞閣集送人之松前

花近城西對上林，霞閣握手淚沾襟。  
中原欲別銷魂色，異域還驚躍馬心。  
地接東荒觀海日，天隣北狄慘春陰。  
遠游亦是堯封境，不必邊陲歎滯淫。

立春暨生葉見過

似<sub>似</sub>是茂陵問病來，翩翩鳧鷖落江隈。  
孤城過處春初度，四壁到時暄忽回。  
獨看參同傳，契客誰論封禪著。  
書才應憐十載將，消渴掛在金莖露一杯。

送杉君子得遊鎌倉

相中幾處足登臨，霸國存亡自古今。  
金澤勝區工擲筆，鎌倉荒時客沾襟。  
三朝社稷田間沒，九代衣冠江底沉。  
此去憐君游歷地，名蹤遺跡更堪尋。

三日同諸子遊渥子什別莊得流字

門前楊柳繫輕舟，三日故人江上樓。  
節至桃花初入賞，客過竹葉更堪酬。  
百年行樂知何處，一世狂名屬我儔。  
可使蘭亭修禊後，蕭條不復有風流。

仲夏諸子集宴薩藩川子欽賈酒

茅齋五月碧山隈，蓬戶一因清燕開。  
人與南風拂席至，酒如北海盈樽來。  
交歡盡是高陽侶，作賦無非鄴下才。  
深媿罰依金谷數，裁詩不就醉蠡杯。

秋日江公迎飲山王溜池僧院分得歌韻

遙載青樽此一過，大清壇下碧池阿。  
參天社樹籠輕霧，臨水僧房對敗荷。  
官達無非攀桂客，賦成何限採蓮歌。  
興餘雜體誰能作，不若江淹篇什多。

臨海樓值雷雨

海上高樓百尺強，登臨積水忽蒼蒼。  
雷聲擊岸波濤激，雨脚渡江天地涼。

長嘯倚欄衆逸興，半酣飛爵發清狂。  
不愁昏黑迷歸路，行詠南山藉電光。

早秋送島子行從其主巖城侯充行臺赴津都

知從千騎向津陽，路涉關河風露涼。  
雄鎮百年居守府，豪遊四海結交場。  
南坡明月登樓閣，北渚清歌留客長。  
此地何妨日沾醉，歸來還侍使君傍。

中秋扶搖相公別燕聽琵琶

高堂絲管夜紛紛，調古琵琶尤出群。  
秋半影隨胡月滿，更深聲向朔風分。  
隴頭流水行如語，海上孤雲傳似聞。  
坐客寧堪離別怨，無端一曲入昭君。

臺上贈唐金某

倦游客子復南田，落日秋風萬里臺。  
江濶吳楓霜後盡，天寒塞雁雨中來。  
世情徒見緜袍色，俗目何知詞賦才。  
唯有故人一樽酒，眼前搖落任悲哉。

仲秋十六夜與居卿飲卯舍樓分韵時居卿事

解再來

月出城頭白露浮，重來此處共登樓。  
人間邂逅三經歲，天上盈虛再對秋。  
萬里鴻過杯影動，中宵客坐笛聲流。  
與君今夕唯須醉，何更還論舊日遊。

暮秋集飲村林某高阡之樓

海上高樓俯渺漫，登臨積水接欄干。  
江天秋映蒼波闊，山色暮含青黛寒。  
傳秘人間須大藥，卜幽城外種芳蘭。  
自憐老大悲哀病，此處論交一盡歡。

謝邊生某製山陰雪後圖見惠

山陰霽雪滿群巒，亦見虎頭搖筆端。  
積素峰連曲阿秀，凝華流接剡溪寒。  
皓然明月歌將發，縹緲扁舟興不難。  
一掃投來應有意，幽居聊作子猷看。

酬姬路藩源曦臺見投示詩及書

錦字翩翩天際來，琅玕珠玉一時開。  
姬城明月含聊媚，龍野春雲鬪且猜。  
南郡曾專高第譽，中原誰共逸

群才揮毫，不怪稱無敵。舊是風流江左推。

歲暮諸子來集

城頭風色歲云殘，雨雪飄飄茅屋寒。抱病終年添白髮，移居僻地對青巒。窮來生計將誰訴，老去狂歌聊自寬。幸值友人携酒至，何嫌今日醉相看。

滕桓謹書

熊耳先生文集正編卷之三

